

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«-----» նոյեմբերի 2015թ.

N----Ա

ՈՐՈՇՈՒՄ

«ԵՐԵՎԱՆԻ ԳԵՂԱՍԱՀՔԻ ԵՎ ՏԱՓՕՂԱԿՈՎ ՀՈԿԵՑԻ ՄԱՆԿԱՊԱՏԱՆԵԿԱՆ
ՄԱՐԶԱԴՂՐՈՑ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ
ԱՆՎԱՆԱՓՈԽԵԼՈՒ ԵՎ ԿԱՆՈՆԱԴՐՈՒԹՅԱՆ ՄԵԶ ՓՈՓՈԽՈՒԹՅՈՒՆ ԿԱՏԱՐԵԼՈՒ
ՄԱՍԻՆ

Ղեկավարվելով «Երևան քաղաքում տեղական ինքնակառավարման մասին»
Հայաստանի Հանրապետության օրենքի 12-րդ հոդվածի 1-ին մասի 14-րդ և 23-րդ կետերով՝

Երևան քաղաքի ավագանին որոշում է.

1. «Երևանի գեղասահքի և տափօղակով հոկեյի մանկապատանեկան մարզադպրոց»
համայնքային ոչ առևտրային կազմակերպությունն անվանափոխել «Իրինա Ռոդինայի
գեղասահքի մարզադպրոց» համայնքային ոչ առևտրային կազմակերպության:

2. Հաստատել «Երևանի գեղասահքի և տափօղակով հոկեյի մանկապատանեկան
մարզադպրոց» համայնքային ոչ առևտրային կազմակերպության կանոնադրության
փոփոխությունը՝ համաձայն հավելվածի:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆԻ ԳԵՂԱՍՏԱՀՔԻ ԵՎ ՏԱՓՕՂԱԿՈՎ ՀՈԿԵՑԻ ՄԱՆԿԱՊԱՏԱՆԵԿԱՆ ՄԱՐԶԱՐԴՈՐՈՑ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ ԱՆՎԱՆԱՓՈԽԵԼՈՒ ԵՎ ԿԱՆՈՆԱՐՈՒԹՅԱՆ ՄԵԶ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

2014 թվականի հունիս ամսին Երևանի Ծովակալ Իսակովի պողոտայի հ.27/10 հասցեում մեկնարկեց գեղասահքի դպրոցի շինարարական աշխատանքների իրականացման գործընթացը: Այդ արարողությանը մասնակցում էր նաև գեղասահքի օլիմպիական եռակի, աշխարհի և Եվրոպայի բազմակի չեմպիոն, ՌԴ հասարակական, պետական գործիչ, ՌԴ Պետդումայի պատգամավոր Իրինա Ռոդինան: Նա իր անմիջական ու ակտիվ մասնակցությունն է ունեցել գեղասահքի դպրոցի կառուցման գաղափարը կյանքի կոչելու հարցում և իր պատրաստակամությունն է հայտնել մարզադպրոցը շահագործման հանձնելուց հետո աջակցել հայկական գեղասահքի զարգացմանը:

«Բարեկեցություն» բարեգործական հիմնադրամի (հանդիսանում է դպրոցի շինարարության պատվիրատուն) գործադիր տնօրենը Երևանի քաղաքապետին հասցեագրված 06.11.2015թ. հ.88 գրությամբ խնդրել է հաստատել Իրինա Ռոդինայի աշխատակազմի կողմից ներկայացված առաջարկը՝ «Իրինա Ռոդինայի սահադաշտ» անվանման վերաբերյալ:

«Երևանի գեղասահքի և տափօղակով հոկեյի մանկապատանեկան մարզադպրոցը» ՀՈԱԿ-ն իր գործունեությունն իրականացրել է Երևանի Բազրատունյաց 48/1 հասցեում, սակայն ներկայումս այդ դպրոցը գտնվում է խիստ անբարենպաստ պայմաններում, լուրջ խնդիրներ ունի սահադաշտի հետ կապված և վերջին տարիներին այն չի գործում: Մինչդեռ գեղասահք սպորտաձևի զարգացման ամենակարևոր պայմաններից մեկը հենց սահադաշտի գոյությունն է: Թեև դպրոցը գտնվում է անմիջիցս պայմաններում, սակայն դպրոց հաճախող երեխաների թիվը բավական շատ է:

«Երևանի գեղասահքի և տափօղակով հոկեյի մանկապատանեկան մարզադպրոցը» ՀՈԱԿ-ի գործունեության վայրը Երևանի Ծովակալ Իսակովի պողոտայի 27/10 հասցեում գտնվող նորակառույց դպրոց տեղափոխելով՝ ժամանակակից, բոլոր չափորոշիչներին համապատասխանող սահադաշտում դասընթացների իրականացումը կնպաստի Հայաստանում այդ գեղեցիկ և ինքնատիպ սպորտաձևի զարգացմանը:

Միաժամանակ, ներկայացված նախագծով փոփոխություն է կատարվում նաև կանոնադրության 3.2 և 3.3 կետերում՝ այն համապատասխանեցնելով գործող օրենսդրության պահանջներին: Մասնավորապես՝ «Երևան քաղաքում տեղական ինքնակառավարման մասին» ՀՀ օրենքի 12-րդ հոդվածի 1-ին մասի՝ մինչև 19.01.2012թ. գործող խմբագրությամբ Երևանի ենթակայության կազմակերպությունների կառուցվածքի, աշխատակիցների թվաքանակի, հաստիքացուցակի և պաշտոնային դրույքաչափերի սահմանման լիազորությունը վերապահված էր Երևան քաղաքի ավագանուն, իսկ 19.01.2012թ. ուժի մեջ մտած օրենքում կատարված փոփոխության համաձայն՝ այդ լիազորությունն իրականացնում է Երևանի քաղաքապետը:

Ելնելով վերոգրյալից, Երևան քաղաքի ավագանու քննարկմանն է ներկայացվում «Երևանի գեղասահքի և տափօղակով հոկեյի մանկապատանեկան մարզադպրոց» համայնքային ոչ առևտրային կազմակերպությունն անվանափոխելու և կանոնադրության մեջ փոփոխություն կատարելու մասին» որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

«ԵՐԵՎԱՆԻ ԳԵՂԱՍՍԱՀՔԻ ԵՎ ՏԱՓՕՂԱԿՈՎ ՀՈԿԵՑԻ ՄԱՆԿԱՊԱՏԱՆԵԿԱՆ ՄԱՐԶԱԴԱՐՈՑ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ ԱՆՎԱՆԱՓՈԽԵԼՈՒ ԵՎ ԿԱՆՈՆԱԴՐՈՒԹՅԱՆ ՄԵԶ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՅԱԿԱՑՈՒԹՅԱՆ ՄԱՍԻՆ

Երևան քաղաքի ավագանու «Երևանի գեղասահքի և տափօղակով հոկեյի մանկապատանեկան մարզադպրոց» համայնքային ոչ առևտրային կազմակերպությունն անվանափոխելու և կանոնադրության մեջ փոփոխություն կատարելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ՏԵՂԵԿԱՆՔ

«ԵՐԵՎԱՆԻ ԳԵՂԱՍՍԱՀՔԻ ԵՎ ՏԱՓՕՂԱԿՈՎ ՀՈԿԵՑԻ ՄԱՆԿԱՊԱՏԱՆԵԿԱՆ ՄԱՐԶԱԴԱՐՈՑ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ ԱՆՎԱՆԱՓՈԽԵԼՈՒ ԵՎ ԿԱՆՈՆԱԴՐՈՒԹՅԱՆ ՄԵԶ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿԱՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆԵՐԻ ՄԱՍԻՆ

Երևան քաղաքի ավագանու «Երևանի գեղասահքի և տափօղակով հոկեյի մանկապատանեկան մարզադպրոց» համայնքային ոչ առևտրային կազմակերպությունն անվանափոխելու և կանոնադրության մեջ փոփոխություն կատարելու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի էական փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ